

Na osnovu čl. 4.2., 4.7. i 7. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, broj 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju (“Službeni glasnik BiH”, broj 2/05) i člana 51. stav 1. tačka a) Pravilnika o licencama – Prečišćeni tekst (“Službeni glasnik BiH”, broj 63/16), rješavajući po zahtjevu pravnog lica “Koksara” d.o.o., Lukavac od 30. aprila 2025. godine, na sjednici Državne regulatorne komisije za električnu energiju, održanoj 12. maja 2025. godine, donijeta je

ODLUKA

O SUSPENZIJI PRIVREMENE LICENCE ZA OBAVLJANJE DJELATNOSTI MEĐUNARODNE TRGOVINE ELEKTRIČNOM ENERGIJOM

1. Suspendira se privremena licenca za obavljanje djelatnosti međunarodne trgovine električnom energijom, registracijskog broja 05-28-12-302-20/24, izdata pravnom licu “Koksara” d.o.o., Lukavac, na zahtjev vlasnika privremene licence.
2. Privremena licenca iz tačke 1. ove Odluke suspendira se na period od 13. maja 2025. do 12. maja 2026. godine.
3. Ova Odluka stupa na snagu danom donošenja, a njen dispozitiv bit će objavljen u “Službenom glasniku BiH” i službenim glasilima entiteta.

Obrazloženje

Pravno lice “Koksara” d.o.o., Lukavac (u daljnjem tekstu: podnosilac zahtjeva), dostavilo je 30. aprila 2025. godine Državnoj regulatornoj komisiji za električnu energiju zahtjev za suspenziju privremene licence za obavljanje djelatnosti međunarodne trgovine električnom energijom na period od dvanaest mjeseci.

Naime, podnosiocu zahtjeva je 6. novembra 2024. godine izdata privremena licenca za obavljanje djelatnosti međunarodne trgovine električnom energijom, registracijskog broja 05-28-12-302-20/24, na period od 24. novembra 2024. godine do 23. novembra 2026. godine.

Shodno članu 51. stav 9. Pravilnika o licencama – Prečišćeni tekst, nesporno je pravo vlasnika licence da zatraži suspenziju iste. Sloboda je izbora vlasnika licence da u skladu sa svojim poslovnim interesima disponira pravom da određeno vrijeme ili trajno prestane obavljati djelatnost međunarodne trgovine električnom energijom, da namjeru korištenja tog prava prethodno prijavi regulatoru i da o tome pribavi regulatornim pravilima propisanu odluku. U skladu s navedenom odredbom Pravilnika, pravo vlasnika licence na suspenziju može se realizirati jednom tokom važenja licence i to na period od šest do dvanaest mjeseci.

Imajući to u vidu, kao i činjenicu da od izdavanja privremene licence podnosilac zahtjeva niti jednom nije tražio njenu suspenziju, nije bilo smetnje da se donese odluka kao u dispozitivu.

U skladu s članom 9.2. Zakona o prijenosu, regulatoru i operatoru sistema električne energije u BiH, protiv ove Odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema.

Broj: 05-28-12-176-2/25

12. maja 2025. godine

Tuzla

Predsjedavajuća Komisije

Branislava Milekić